

እጅግ ተሳታፊ መ.ወ.አ.አ.ኤ. ፈሬዎ አ/ምግብ ምስል ወካይል ሸብ



ፈሬዎ ማህበር ወጪ አዋጅ አንባቢ ኤሌትሮኒክ አቅሊም ምግብ ምን 11 ማርች አስከ 14 ኦገስት ዲብ 16 ምዴርየት ጌማም ሸቅል እግል ወካይል ሸብ ቀደመ።

እት በሪክ እት ገብአ እጅግ ማህበር ካቲመ። መስከረም ፈሬዎ አሰይደ አለም በላይ። ብቅወ ወሐዋን ጀዋንብ እንዴ ትጌመመ። መትካም ማህበር እግል ልትደቀብ ወመናበረት አንሳት እግል ትሰኔ ወናይ ሰደሰት ፈሀም እግል ልዕቤ እብ ደቅብ ክም ልትከደም ሸርሐት።

አሀምየት ወፋ.አ.ደት መትካም ለአብርሀት አሰይደ አለም። ምን 16 ሰነድ ወልዕል ላተን ኤሌትሮኒክ አንሳት ዲብ ማህበር እግል

ልትከምከመ እንዴ አትፋቀደት። እማት እግል አዋልደን ወብዕዳት መሰል ሰኔት እንዴ ገብአየ እግል ልሸቀየ ትፋኔት።

እት ሰነድ 2023 ለበዘሐ ምዴርየት እጅግ ማህበር ገዙም እንዴ ወደየ ሐዋን ወብቅዕ ጀዋንብን ፈርገ እት ህለየ። ለብዕዳት ዲብ ዐመልየት መትካም ለተርፈ ምንን ዲብ አትመሞት ክም ህለየ እንዴ ሐበረት። ዲብ መጽእ ወክድ ለልትኤተን በራምጅ እግል ለአድሜዕ። ወራታትክ እብ ዋጅብ ናይ ቀየሞት ወድዕፍክ አርትዖት ለመድ እግል ልሰበቅ ክም ወጅብ አትፋቀደት።

መቸተርክ ህዬ ዐዋዲ ዲራይ

ወሀዳይ ሰነድ አዳም ለአብጽሐየ እግል ልትረፍ ምስዳር ትርድት እግል ትትካላ። ዲብ ምዴርየት ወእዳራት ደዋይሕ ናይ አምሱይ በክት ምህር እግል ልትከሰት። ክምሰልሁመ ዲብ መታብዕት ሓለት አንሳት ለገብእ ወራታት እግል ሊዘድ ክም ወጅብ ሸርሐው።

እት ደንጎበ ዲብ በራምጅ ሰነድ 2024 እብ ዓመት። ናይ ፈዛዕት ሰደሰት ወመሻረከት አንሳት እግል ትዕቤ ህዬ እብ ፍንቲት እት ልተግበር በራምጅ ሐቀለ ገብአ ህድግ። ዐባት መቅደረት ምህነት ወእቅትሳድ አንሳት እግል ትደቀብ ለህለ መዳላይ በርሀ።

አሰመራ፡ ክጡጥ ተለፎን ሳብት እብ ሐዲስ ልትበደል

እት መዲነት አሰመራ ዝያድ 70 ሰነድ ለወደ ለአበረ ሐን አርድ ለትመደደ ክጡጥ ተለፎን ሳብት እብ ሐዲስ ልትበደል ክም ህለ ወዘር መዋሰላት ወእትሳላት አሰይድ ተሰፋሰላሴ በርሃኔ ሸርሐ።

ህቲ፡ ለበራምጅ እብ ከሰሰ እግል ኤሪን ዲብ ህበየ ሐብራ። ለአግደ ህደፍ መትካም የት ደማን ለቡ ወሳፊ ከደማት ተለፎን ወኢትተርኔት እግል ልርከቦ አርድየት አዋፍሐት ወእግል ሐዲስ ለጠልቦ ከጥ ተለፎን እግል ህዬብ ክም። ኣብርሀ።

ለወራት ምስል ናይ ሸቅል ሰብሸርከት እንዴ ትዓወንክ ትሰርገል ክም ህሌት። ክጡጥ እቡር ወርሲሐት ለቡ እብ ሐዲስ ናይ በደሎት ምስዳራት ልትካላ ክም ህለ አሰይድ ትውሰፋሰላሴ አትኣመራ።



ዲብ መዲነት አሰመራ ለአበረ ክጡጥ ዲብ ትበደል እቲ ደዋራት። ዝያድ 4 አልፍ ምትር መራሳዕ ርኩብ እት ቡ አግቡይ አገር ማቲኔል ሐዲስ ክም ገብአ ሐበረ።

ሰነድ እብ ጀሀቶም። ልሰርገል ለህለ ወራታት አትሳናይ ክጡጥ እትሳላት ሐመደው።

ተውገሐዕ ሐዲስ ክጡጥ ተለፎን ሳብት። ዲብ አትሳናይ ለገብአ እቲ



መስከረም እዳረት መስሰት እትሳላት ኤሌትሮኒክ አሰይድ ተክልየ ኢሳቅ እብ ጀሀቲ። ከግደት ናይላ ምን ሳዕት 6 አሰቦሕ አሰክ ሰር ላሊ ልአተላላ ለህለ ሸቅል እንዴ ወሰፊ።

ወምሰሉ ለልትሓደድ ደዋራት ምን መእንበትሉ ምጽእ ወርሕ ማዮ እግል ልግበእ በራምጅ ክም ህለ ምን መክተብ እዳረትሉ መስሰት ለትረከበት ሐብራ ተአፍህም።

“መስሰት ተዋብ ንዋይ ወብቅል ሐልሐሌ ዔማት ተጃርብ ገአት እነ” መትድሕረት ኩልየት

መስሰት ተዋብ ንዋይ ወብቅል ፈሬዕ ሐልሐሌ መዋመጦር ወራታት ዐማር ሐርሴ። ምን ኩልየት እንዴ ደሐረው ዲብ ሸቅል ለትወዘወው እት። ሸባብ እግሎም ዔማት ተጃርብ ወተኣሂል ክም ህሌት ሸርሐው።

መመቅረሓይ ሸቅል ናይላ መስሰት ማጀር ክብረኣብ አብረሀም። ዲብ ሐልሐሌ ወደዋራት ምን ኩልየት ለደሐረው ዝያድ 3

አልፍ ሸባብ እት ገዙም ሸቅል ክም ህለው እት ነሐብር እብ ፍዕል ለተለ ዝያደት ምህር ወተጃርብ እት ነሰኡ። ዶር ወቁል ለአግዱ ክም ህለው አብረሀ።

ለሸባብ እብ ጀሀቶም። ወዱወ ለህለው ዲብ ዕልም ለአተንክበ ዶር። ለእግል አንሰሰት ተዋብ ሐሊብ። አዳላይ ሸትል። ዐማር ሐመሊት አዳላይ ዐለፍ ንዋይ ክምሰሁመ

መዲድ ዐብደር ማይ ለሸምል ወራታት ዲብ ፈዴሕ ወእብ ነዕዮቲመ ዲብ ሰኔ መጽእ ክም ህለ ማጀር ክብረኣብ እብ ተውሳክ አፍሀመ።

ዲብለትፈናተ መጃላት ፍፋራም ለህለው ሸባብ እብ ጀሀቶም እብ ትወጤት አርደት ሸቅል። ምህነቶም እግል ለዓቡ ወተጃርብ እግል ልክሰቦ ቃድራም ክም ህለው አከደው።

ከጥ አሰመራ- ሰነይ፡ መትገላብ አተቡስ ብቅት ዐባይ ሰበበ

ዲብ 14 ኣብራል መሳፍሪን እንዴ ጸዕነት ምን አሰመራ አሰክ ሰነይ ትገይሰ ለዐለት አተቡስ። ዲብ ባካ ትግርንቶ ክም በጽሐት ሰበይ ትብለሰት። 3 አንፋር ሐቲ ዓይላት ለብእቶም 14 ነፈር ሞተው።

ለብቅት፡ ምን አሰመራ 232 ኪሎምትር ራይም እት ህለ ዲብ ደዋራት ባርንቶ ለህለ ቡንቶ እቲ ሳደፊት።

ለምልክየት ‘ማሕበር ሰታዮ’ ላተ ER3-A-1854 ለዕልበ አተቡስ። አርበዕ ምትር ወሰር ሰበት ጸድፊት። እምበለ ማይታም 16 መዛብዋ ክቡድ። 38 ህዬ ደረር ቀሊል ክም ጀረ እቶም ፖሊስ ትራፊክ አቅሊም ፓሽ-በርከ ወመስኩል ተሐቂቅ ብቅት አሰይድ ኢሳይያስ ብርሃኔ ሸርሐ።

እብ ብቅት ለትጃርሐው ዲብ እሱብዳልየት መርጅዕየት አቅሊም ፓሽ-በርከ ወሕክምን ጀብህት መራዕየት ትገብእ እግሎም ክም ህሌት ለሐበረ አሰይድ ኢሳይያስ። ናይ ሰልፍ ወግም ምንመ ህለ ሰብለ ብቅት ዲብ ተሕቂቅ ክም ህለ አትኣመራ።

አሰይድ ኢሳይያስ እት ደንጎቤ። እግል ሰዳይት አረይ ሰነድ መዲነት ባርንቶ ወእስክ አሰመራ ሳፍር ለዐለ ሐሸም ሐካይም ለቀደመው ዶር እዴ ሐበረ። መካይን እብ ዓመት። እት መዋሰላት ሸብ ለሸቅየ አተቡሳት ህዬ እብ ፍንቲት ዲብ ብቅት ለለአበጽሕ መካይድ ምን እግል ልትደገገት ወዓፍየት መካይናም እግል ለአክዶ አትፋቀደ።

ዲብ 14 ኣብራል መሳፍሪን እንዴ ጸዕነት ምን አሰመራ አሰክ ሰነይ ትገይሰ ለዐለት አተቡስ። ዲብ ባካ ትግርንቶ ክም በጽሐት ሰበይ ትብለሰት። 3 አንፋር ሐቲ ዓይላት ለብእቶም 14 ነፈር ሞተው።

ለብቅት፡ ምን አሰመራ 232 ኪሎምትር ራይም እት ህለ ዲብ ደዋራት ባርንቶ ለህለ ቡንቶ እቲ ሳደፊት።

ለምልክየት ‘ማሕበር ሰታዮ’ ላተ ER3-A-1854 ለዕልበ አተቡስ። አርበዕ ምትር ወሰር ሰበት ጸድፊት። እምበለ ማይታም 16 መዛብዋ ክቡድ። 38 ህዬ ደረር ቀሊል ክም ጀረ እቶም ፖሊስ ትራፊክ አቅሊም ፓሽ-በርከ ወመስኩል ተሐቂቅ ብቅት አሰይድ ኢሳይያስ ብርሃኔ ሸርሐ።

እብ ብቅት ለትጃርሐው ዲብ እሱብዳልየት መርጅዕየት አቅሊም ፓሽ-በርከ ወሕክምን ጀብህት መራዕየት ትገብእ እግሎም ክም ህሌት ለሐበረ አሰይድ ኢሳይያስ። ናይ ሰልፍ ወግም ምንመ ህለ ሰብለ ብቅት ዲብ ተሕቂቅ ክም ህለ አትኣመራ።

አሰይድ ኢሳይያስ እት ደንጎቤ። እግል ሰዳይት አረይ ሰነድ መዲነት ባርንቶ ወእስክ አሰመራ ሳፍር ለዐለ ሐሸም ሐካይም ለቀደመው ዶር እዴ ሐበረ። መካይን እብ ዓመት። እት መዋሰላት ሸብ ለሸቅየ አተቡሳት ህዬ እብ ፍንቲት ዲብ ብቅት ለለአበጽሕ መካይድ ምን እግል ልትደገገት ወዓፍየት መካይናም እግል ለአክዶ አትፋቀደ።



ሰላላ- አርካይቭ ጫ/ሰላላ

ክዳማት ዓፍዮት ምዴርየት አፍባቢት



እርሷ አልአሚን አብራሃም

ክዳማት ዓፍዮት ምን አሳሲ ክዳማት እጅግ-ማዕደራት ትገብአ እት ሀሌት፡ ክም መብደእ ናይ ሕኩመት ኤሪትሪያ ምርመ ምን እለ ክዳማት እለ ግሪ እግል ልትረፍ አለብ። እሊ መብደእ እሊ እት ዐመል እግል ልውዐል እበ ገብአ ሀለ ጅሀድ ክል እዳረት ደዋሐ አሳሰየት ክዳማት ዓፍዮት ትበጸሐ ሀሌት ምን እንብል አትራዛቅ ኢጉብእ። ለሰኔ ረዩም ወፍንጠር መካሪት ለቡ አካናት፡ ንቀዋ ዓፍዮት እንዲ ገአ እሊ፡ እብ አጋር ሐካይም እግል ልትበጸሐ ውዛረት ዓፍዮት እትለ ኢለትካርም ተእሂል ጽምድት እንረክቡ። ሰሕፍዩን ቅሰም ጀራይድ ኤሪትሪያ እትለ ሐልፊት እያም ቅሩብ ምዴርየት አፍባቢት፡ ቅርሪ ወሽዕብ ገንጋም ዐለው። ምን ምስል ሚርሐት መአሰሳት ዓፍዮት ውብዕም ሰብ ምህት ዓፍዮት ምን ወደወ መቃባላት፡ እግል የም መስኡል ክዳማት ዓፍዮት ምዴርየት አፍባቢት አሰይድ አልአሚን አብራሃም ለሀብደ ክዳማት ዓፍዮት እት ምዴርየት ሚ ክም ትመስል ለትከሰሰ ሐብሬ ኑወላም ሀሌ፡ ከቀደም በሎ፡-

ምዴርየት አፍባቢት ቀደም ሕርየት ሐቲ እት ዘበን ሀይሌሰላሳ ለትበኔት እሰብዳልየት ንኢሸ ትጉብር እለ ዐለት። እለ ሐቲ በይን እሰብዳልየት እለ እት መዲነት ዐለት። ምን ወኪን ክዳማት ሕክምነ የዐለ እት። ሐቅ ሕርየት አዳመ ክም አትቃበለየ ወሐድረ ለሐቲ እሰብዳልየት ኢትን እግል ምዴርየት፡ እግላመ መዲነት ትከፊ ኢጉብአት። ከለክዳማት እግል ልፍየሕ ሰበት ዐለት እሊ፡ እት መዲነት ሐቲ ናይ መራዕየት አጀኒት ወዐመሲ ዕድሜት ትወሰከት። እት ብዕድ ባካት ናይላ ምዴርየት ሀይ እት ቃምጩወ ምር መርከብ ዓፍዮት፡ ጋድም-ሐሊብ ወፊልከት ሐት-ሐቲ ዕድሜት፡ ክምሰልሁመ እት ሰበ እዳረት ደዋሐ እብ አጋር ሐካይም ለሸቅየ ንቀዋ ዓፍዮት፡ እብ ዓመት 11 መአሰሰት ዓፍዮት ሀለየ።

እሰብዳልየት አፍባቢት በዲሪ ዲብ ትሸቁ እግል እሊ ኣዘይ ዲብ አፍባቢት ነብር ለሀለ ሐድ 122 አልፍ ለገብአ ሸብ እንዲ ትበሀለት ለትሸቁት ኢትን። ንኢሸተ። ደአም እበ ትቀድረ ክዳማት ሰኔት እግል ተሀብ ትትጸገም። ናይ አጀኒት፡ ናይ ዐባይ ወሰብ ዳይም ሕማማት ለልትረአው እትን አርበዕ ቁርፊት ለብእቲ አካናት ከሸፍ ሐማይም (OPD)፡ ሐማይም ለሰክቦ እቲ ቅረፍ፡ እብ ዐመልየት እግል ወልደ ዐመሲ ክዳማት ለትሀይብ ቁርፊት ዐመልየት፡ ክምሰልሁመ አካን ውላደት ወመራዕየት ዕለቅ ለክምክም አብያት ምን አግደ እት ገብእ፡ የም ዓመት ለአንበተት ክዳማት ሬዝዮቴራፒ(ሕክምነ ሐረከት ገርብ)፡ ዕድሜት ሕክምነ አንያብ ወዕንታት፡ ክዳማት

ክታብት፡ ራጃ ወላዕራቶሪ ለክምክም ክዳማትመ ሀለ። እት እያም ቅሩብ ለአንበተት ክዳማት አውለዶት እብ ዐመልየት እግል ሸብ መርሀየ ዐባይ ጋብአት ሀሌት። እግልሚ፡ ቀደም እለ እብ ዐመልየት እግል ትውለድ ለበ አሰክ ከረን ተሐልፍ ዐለት። ግደሰ አሰክ ከረን መሻክሉ ብዞሕ ዐለ። ዐምሳት ከረን እንዲ ኢትበጸሕ ውላድ ለለሸክተ ትረከብ፡ መዋሰላት ስዱድ ወእብ እቅትሳድመ ክቡድ፡ እግል እም ወዕያለ ኢውጡይ ዲብ እንቲ ዐጽም አዳም ጽኑዕ ምንገብአ ልትገደሰ ዐለ። ከለክዳማት ዐመልየት እሊ ክሉ ሀማት ምን አቅለለት መርሀየ ጋብአት ሀሌት። መራዕየት እም ወጅናህ እት ክለን ለመአሰሳት ዓፍዮት ተ ለትትሀይብ። ከሸፍ ዐመሲ ወአውለዶትን ሌጠ እንዲ ኢጉብእ፡ ዐምሳት ቀደም ውላድ ዊደተ ዓፍዮት እግል ትድሌ



ከምን ሕማማት ሳልመት እት እንተ ጀላብ እግል ትዕመስ ከሸፍ እግል ቲዳ ክምቡ፡ እብ ውላድ



ክም አግረሰት አገድ መራዕየት ዐመሲ እግል ተአምብት ክም ቡ ጅነ ሰኔ እንዲ ኢጠቤ ሕነት እግል ኢትጽብዋ እብ ከፎ ምን ውላድ ትጸኔሕ ምክር ወሐብሬ ትትሀይብ ወለተሐዝየ ክዳማት ትትሀይብ። ዕድሜት ናይ ለኢለዕዲ ሕማማት፡ በዲር እት ሳምን ክልኤ ምዕል ትርኤ ለዐለት፡ የም ክለ ሳምን ፍትሕት ሀሌት፡ ሰከራ ደቅዋ ውቁል፡ ሕማም ዐቅል ለገም ውብዕም ክለ ሳምን እግል ልትረአው ቃድራም ሰበት ሀለው፡ አሰክ 1,500 ዘባይን ብእተ ለክለኒክ። ክሉም ሀይ እብ ንዙም ከሸፍ ወዱ ወደዋህም ነሰኢ።



አማነት፡ ሐት-ሐቲ ደል ደወ ለልትክለሰ እቲ አውቃት ሳድፍ፡ ሳኪን እሊ ምንቃልሰ ለልትረኤ ሰበት ቲ፡ እት ሐማይም ተእሲር ክቡድ ለቡ መሕገዝ ኢትን።

እት ቅላመት ወጋድም ሐሊብ ሐት-ሐቲ ወትወሰከየ ለክዳማት ሰኔ ወሐሰት። ነዳሬት ድዋር አሀምየት ዐባይ ለትትሀይብ ጋሪት ቲ፡ ሸብ ምስል ቅዋት ድሬዑ እት ልትሳዲ ዝያድ ሰበ ወሬሕ ገብእ እምበል አትካራም ክል ሰምበት ዐባይ ኪወ ነዳሬት ወዳ ሀለ። ክዳማት ዓፍዮት እት ክሉ እግል ትብጸሕ እምበል ምን ኩልየት ዓፍዮት ለልትከረጅ ሰብ ምህት ምን ሸብ ለፈሩ ወካይል ዓፍዮት ዲብ ክል ሐይ ወቀርየት ሀለው። መሰለን ናይ መላርየት ሐድ 25 ነፈር፡ ናይ ቲቢ 15 ነፈር፡ ዓፍዮት እም ወውላደ ለታብዐ 17 እሲት ሀለየ፡ እት ሰበ ንቅጠት ዓፍዮት ሀይ ናይ ሰበ ወሬሕ ተእሂል ለነሰአው ሰበ አጋር ሐኪም ሀለው። እብ ገበይ እሎም አጋር ሐካይም ምህም ሐብሬ ዓፍዮት ዲብ ክሉ ሸብ ትብጸሕ፡ ለሐመ አገድ ዲብ ሕክምነ ክም ቀርብ ገብእ፡ ሰኣላት ሸብ እት መአሰሳት ሕክምነ እት ወክዱ በጹሕ፡ ሐብሬ ሕክምነ እት ሸብመ አገድ ትብጸሕ፡ እሎም ምን ኩብድ ሸብ እንዲ ተሐረው ከእንዲ ደርሰው እት ኩብድ ሸቦም እንዲ አቅበለው ዓፍዮት ራዑ ለሀለው አገር ሐካይም ለሐሰው መትራክቢ ገበል ወውዛረት ዓፍዮት ጋብአም ሀለው። ክሱሰን ለሰበ አጋር ሐኪም እት ሬመ አማክን ሰበት ሀለው ለኢልትበጸሕ ሸብ እብ ገበየም ልትበጸሕ ወአሳሰየት

ክዳማት ዓፍዮት ረክብ ሀለ።

እት ረአሰ እሊ ለመርከዞየት እሰብዳልየት ምዴርየት እት ሰነት አርበዕ ዶል ኤምረተ ወአድውየተ እንዲ ነሰኢት እት ረዩም አካናት ትገይሱ። ንዙም ክታብት ተሀይብ፡ ዐመሲ ትርኤ፡ ሐማይም ትከሸፍ፡ ትሳሬ ወመርመሪ ውቁል ለለትሐዝየም ትወጅህ። ለልትበጸሕ አካናት ረዩም ዐገት፡ ገብገብ፡ ህካኖ ወለመሰሉ ገብእ እት ሀለ መካይን ሰበት ኢለአትዮ ለሐካይም እብ መጽዕን ወእብ እገር ቶም ለገዩሶ። ለክዳማት እብል ኢትብዋር፡ እት ትወሰዕ ትገይሱ ሀሌት። እትሊ እያም ቅሩብ ዲብ ህካኖ ዕድሜት እግል ትሸቁ መዳላይ ጋብእ ሀለ። ቅላመት እት 2020 ሸቂት እት ሀሌት ክምሰልሁመ ዲብ ናር-ተብዐት፡ 2024 ክብክብ ዕድሜት እግል ትደሐር ዱሊት ሀሌት።

ደሐን እም ወውላደ ምን አውለውያት ውዛረት ዓፍዮት ቲ። መምሬሕ ናይላ ውዛረት “ለገብአት ዐምሳት እት ሕክምነ ሌጠ ትውለድ” ልብል። እሊ መምሬሕ እት ዐመል እግል ልውዐል ሀይ ለትፈናተ አብላር ልተግበር። ምር ምን እት ደማን ደሐን እም ወውላደ ተረት ዛይደት ለሀሌት እሉ ሀይ ምን አማክን ረዩም ለመጸአ እማት ባክ ዕድሜት ለለሐድረ እቲ መጽንሐ ዐመሲ ቲ። እሊ መስል አብያት በዲር ዲብ አፍባቢት ሌጠ ዐለ። ምን ክለ ምዴርየት እት ዕድሜት እግል ልውለደ ለመጸአ እማት እት ሐቲ አካን ልትጫቀጠ ዐለየ። የም ሳኪን እብ መላደረት ሸብ፡ ዲብ ናር-ተብዐት፡ ቃምጩወ፡ ፈልከት፡ ክልአት መብነ ሀይ ዲብ ቅላመት ዱሊይ ሀለ። ፈድል እሊ አብያት እሊ ሀይ እማት ለቀርበት እለን ዕድሜት እት እንዲ ሐድረየ እግል ልውለደ ቃድራት ሀለየ።

አሰይድ አልአሚን አብራሃም እት ደንገበ እት ዓፍዮት ለሀሌት ፈዛዕት እት ልሐምድ ሸብ እግል ዓፍዮቲ ወክድ እንዲ ሀይ፡ ሕማም አሰክ ለአትዕቦ እንዲ ኢልትጸበር ነገር ደሐን ከሸፍ ውድየት እግል ልልመድ ትፋኑ።



ሰወር፣ አቤል በረኸት

ቴሌል ሐርስ ምዳርየት ቅሮረ

ምስል መስሎ ሐርስ ምዳርየት ቅሮረ፣ ሻብ አድም ሳልሕ ለገብአት መቃብላት፣ እብ ክሱሰ ተዋልል ሐርሰል ምዳርየት ስራት ዋድሐት እግል ተሀሌ እግልኩም፣ እግል የም ካልአይ ወናይ ደንገብ ክፋላ ካትባም እኩም ሀሌክ ቅራኣት በኪተት።

ለልአትሐዘዩ መሓዛት ዐባዩ ህዩ ብዙሕ ቱ፣ ህቱ ሕኩመት ናሰ ለትሐሰብ እሉ ወምን ቅድረትላ ሐረሰቶት ወለዐል ሰበት ቱ፣ ለማዩ እግሁ በሐር ለአቱ ሀሌ። ለዐበ መክሰብ ናይ እለ ምዳርየት ላኪን፣ ማይ ብዙሕ ምን አድብር ለልትከሬ ሀለ እግልኩ፣ እለ ማይ እለ፣ ለሐረሰታይ እብ ቅድረቱተ እንዴ አሸከፊዩ እግል ለአፍሬ ምኑ ኣብዮት ብዙሕ ሀሌ። ለሽዑብ ናሱ ፍንጡር ሰበት ቱ፣ እተ

ለሀሌ ቡ ወሸቅልም እብ እዳ ብዝሓም ቱ ለልትሸቄ -ወክሱሰን ሸቅል ሐርሱ።
ሰአል፣ ዶዘር እግል ከሬዕሰ መሓዛ መልዳት ጅሩባም እንቱም፣ እት ረአሰለ ካድም ሐረሰቶት?
በሊሱ፣ ክም ጠሉብ እንጠልብ፣ ምን ተጃርብነ ለቀዳም ላኪን፣ ዶዘር ለጨበል እተ ሰመ ክምሩ እግልኩ፣ ከውሐዝ ዶል መጽእ ደግዱግ ሰበት ኢኮን፣ አካናት ብዙሕ እቡ ባክኡ ምንኩ። እለ



አሰይድ አድም ሳልሕ

እለ እንዴ ትጀመሮ ማይ ዲብ ልትካረፍ ግርሁ ምን ለአሰቱ ወከድም፣ እግል ርሐ እንዴ ገብአ እት ደፍራት ብዕድ ወዐደ ዐለ። ላኪን ለካድሙ ሐዋን ሰበት ቱ፣ እተይ ረክብ ኢህለ ወኡብሊ ሕኩመትም እግል ትእዘም ምኑ ኢቀድረት። ናሱ እተ ጋብሆት እንበጣመ ረኡን ምን ገብእ፣ ለበዘሐ መካይን ወደወ እትለ ምዳርየትካ መጽእ። ኬወ ነብረ እብ ሸቅልመ እትለ ምዳርየትካ ሀሌት። ትሸቄ ወመጅብለ ሸቅልክ እክል ትነሰእ። ላኪን፣ ለመድ ሸቅል እግል ለሀሌ ለትገብእ ሰዳይት፣ ለሽዑብ ምስል ሸቄ፣ ምድር ቀሪሙ ሕበር ለአሰቱ ከአታይ ክም ልትወቀል ገብእ ሀሌ። ለሸቅል ልሰፊ ድኢኮን፣ እብ ክምኩም ነሐር ኣዳም በዲለት ወገረዋነት ለኢወድሆህ ኢሀሌት።
ሰአል፣ ዲብ አክር፣ እት ዐማር ሐርስ ለገብአ ጅሀድ እቱ ልእኩትክ እግል ተሓልፍ?



ባካትላ መሓዛት ሳክን ኢኮን። እብ ግዋል እግል ነአሸቅዮም'መ ዶል ነሐይ፣ ምን አካናት ረዩም

ናይላ ሐጡር ላኪን እብ ተጃርብ ብዙሕ ለልትከደም ሰበት ቱ፣ እተ ምድርለ ቀሪም (ግረህ) እት ፈርሽ ገይሱ። ሰበት እለ ለግረህ እብ ውሐዝ ኢልትገሌ። እለ እብ ነሐር ኣዳም እት መልዳት እንወድዩ ለሀሌነ ኬዋታት ለሑሳ ቱ። እብ ዶዘር መትሸርሻር ምድር ተአትሻፍግ ሀሌኩ፣ እብ ኣዳም ወኡበዕረት ላኪን ለምድር ትርቦቱ ሳብተት ተ ከእብ ውሓይዝ ኢትትገሌ - ምን ተጃርብ ናይ ሰኒን ብዙሕ። ማይ ሕፋን ዲብ እንቱ እብ ሐጡር እት ተአበርዱ እተ ግረህ ክም ለአቱ ትወድዩ። እብ ዶዘር ጨበል ወእበን ምን ምድር ብዕድ እንዴ ኣምጸእክ ክም ንዛም ዐግም ኢሸቄካሁ ምን ገብእ፣ ለትርቦትላ ምድርነ ትክም ሰበት ቱ፣ እብ ዶዘር ማይ ለትከሬዕ ዲብ ኢኮን።

እተዩ እግል ልትሐረሰ ከዲብ መንፈዕት ክሳር ኣዳም ልውዐል ቀድር። እለ ኣዘ ዐግም አው መሸከፍ ውሐዝ እንዴ ትሸቀ ዲብ። ለማዩ እተ ምድርለ ቀሪም እግል ንብሊሱ ልትከደም ሀሌ። ለብዕድት መንፈዕትላ ከዋን፣ ማይ ከርስ ምድር እንዴ ትወጀደ ዐወሊ እንዴ ሐፈርክ እግል ሲቶ ኣዳም ለገብእ ማይ ዋዑም ምኑ እግል ልትረከብ ቱ፣ ሰበቡ ህዩ 1,500 ሐረሰታይ እተ ባካት ምን ሕኔት ረዩም ምድር እንዴ ትሸብው ማይ ወርዶ ወዲብ ምጽምእ ነብር፣ ማይ ሲቶ ዲብ ሸፍርም እግል ልትወጀድ እሉም ቱ። ንዋዮም'መ ምን ቅሩብ እግል ለአሰቱ፣ ወዲብ ብዕድ መሻሬዕ ሐርስ ክም ግዋን ወፊዋክህ ፈከረው ምን ገብእ። ማይ ሰበት ለአትሐዘዮም፣ ምን ኣዘ እለ ከዋን መሳሌሕ ብዙሕ እግል ልትረከብ ምኑ መስኢት ሀሌ።

ሰአል፣ መሓዛትላ ምዳርየትኩም ብዙሕ ቱ ለሀለ



እተይ የም-ዓመት

ማይ እብ ሐድ-ሐድ እንዴ ካርዐክ እት ሐርስ እግል ልውዐል ሚ በርናምጅ ዋድያም ሀሌኩም?
በሊሱ፣ ለመሓዛት ሕፍዝ ጋብእ እቱ ቱ፣ ላኪን እብ መቅደረትላ ሸዑብ እግል ልትከሬ ለቀድር ክምለ ረኡኩሙ እለ ናይ መልዳት ሐርስ ምን ፈልኩት አፍ-መሓዛ ቱ ለሰቱ። ወኩርዕ ቱ ለሀሌ። ማሸኔሪ

ቱ ለነአመጽኦም። ምስል ሪም መሳክቦም ሐርሰው መ ምን ገብእ፣ ለእክሎም እንዴ ዘርአወ፣ ካልእ ዶል እግል ሀረም ልግበእ ወዐቂብ ኢገንሐው። ናሰ ለበቅለት ቀሪመት ተ ለምን ለአሰተፊዶ ሀለው። ከለማይ እብ ከአፎ እት መንፈዕት ሐርስ ወሲቶ ንትነፈዕ ምኑ ምስል ሸዑብ እግል ንሆደግ ወጅብ ድኢኮን፣ ማይ ካሬ እብሊ ጋድሞታት ለሐልፍ። መሰለን፣ ምን በሐር ለአቱ ለሀለ ውሓይዝ ዐባዩ፣ መሓዛ ኣግረዕ፣ ተቤሕ፣ ፈልኩት ወብዕድ መሓዛት ሀሌ። ላኪን ለሸዑብ እት ድን ምር እንዴ ትክምኩሙ፣ እት ኬወ ምስል ኢሸቀ ምን ገብእ፣ ምርትክ እብ በይኑ ጋድም ምር እቱ ሰክን ምን ገብእ፣ እተ ሸቅል ሐርሰመ እግል ልትወዕት ወእተይ ሰኒ እንዴ ረክብ አርወሐቱ እግል ልቅደር ሰዳድ ቱ። እሰልፍ መትከምኩም እግል

በሰር ብዕድ ህዩ፣ እብ ሸቅል ኣዳም እተ ዐግም ሴሰባን ትዘርእ ከለዕጫዩ ክም ዐበ ለመሓዛ ገበዩ አሰክለ ግረህ ክም ቀይረ ትወድዩ። ከለካድም ኮሳር ብዘሕት ለአለቡ ወለማይ እብ ቀላል ለልትሐፊዝ እቡ እግል ልግበእ ቡ። ዶዘር እቡ ለትሸቀ ግረህ ወእብ ነሐር ኣዳም ለትሸገበ ምድር ፈርጉ ምድር ወሰመ ረከብናሁ፣ ለናዩ ዶዘር በደ ወለናይላ ኣዳም እክል ልትረከብ ምኑ ገብእ።
ሰአል፣ እብ ጀሀት ሕኩመት መናበረት እለ ሸዑብ እግል ትዋፈሕ ሚ ሰዳይት ትገብእ ሀሌት?
በሊሱ፣ ሕኩመት እለ ሸዑብ እግል ልሕደር፣ እግል ልትደረር ወልትጀመሮ ክል ወሬሕ እክል ተአመጽእኑ ሀሌት። እለ ሸዑብ

ሰአል፣ ከዋን እብ ነብረ እብ ሸቅል ልትሸቄ ረኡኩ ከእለ ለሀደፋ ሚ ቱ?

በሊሱ፣ ከዋን ልትሸቄ ሀለ እትላ ረገብት አውጌት። ከዋን ካፍሽ ልቡሉ፣ እለ ብዙሕ መሳሌሕ እግል ልትረከብ ምኑ ቱ። ምተሐቱ ለሀለ ምድር ጀራዲን እግል ኒደዩ ስታት ብኩ። አዘረኣት እግል ትነውዕመ ሴድያይ ቱ። ሳልሰ ህዩ፣ ምንኩኑ ለሀሌት ረገብት 1,500 ሄክታር ለገብእ ምድር ሐርሱ፣ እብ ኢረኪብ ማይ ልትዘረእ ሰበት የዐሉ፣ እት ሐረሰቶት እንዴ ትካፈለ እግል ልትዘረእ ሕሱብ ሀሌ። አሰክ ባካት አውጌት ወምሉዋ ለልትበህል ምድር፣ ክእን እብ ከዋን ማይ ሐቀ



ከዋን ካፍሽ እት ሸቅል



ሰወር፣ ሳሌሕ ዐብይልቃድር

ካይሳም ቁርኣት፡ ዲበ ሐልፈው ሰለሰ ከፊናል ናይ እሊ ክቱብ እሊ፡ እግል ሰብ መቅደረት ኣሳር በዲር ዶ/ር ኦብሪጎም ዘርኣይ፡ ኢግልያይት ፕሮፌሰር ሳሬነ ማሳ፡ ክምሰልሁም እግል ዶ/ር ጸጋይ መዲን እንዲ ትሰኣልን እብ ሰበት ኣዳሊስ ለረከብናሁ ታሪካይ ጸበጥ ርእያም ክምሰል ዐልነ ለልዘከርቲ። እግል ዮም ህዩ ዲበ ሐፍር እግል ሻርኮ ለህለው ኤረትሮፖን ሰብ መቅደረት ሸባብ እንዲ ትሰኣልን ለረከብናሁ ሐብራ ለሸምል ራብዓይ ወናይ ደንጎበ ክፈል እግል ንርኤቲ፡ ክቅራኡት በኪተት።



ዮታም ገዛኢ



ሚርን ተሾሚ



ታሊታ ገ/ሚካኤል

ዲብለ ናይ በዲር ሚነት ኣዳሊስ፡ እብ ሰብ መቅደረት ዲብለ ልሰርገል ለህለ ፋይሕ መሸርዕ፡ ምን ውቁል መአሰሳት ተዕለም ኣካዳሚያይ ምህርሆም ለአትመመው ሸባብን ናይ ምህነት መቅደረቶም ዲብ ለአገዱቶም ለጸንሐውነ፡ ዲብለ እብ ትሉሉይ ገብእ ለህለ ሕፋር፡ ለሰምቲ ፈሀም እግል ለአሰኣሉን እግል ገሌ ምን ዲብለ ሸቅል ፍሩራም ለህለው ሸባብ ሰኣላም ዐልነ። ሻብ ዮታም ገዛኢ፡ ምን መትሐፍ ኣቅሊም ቅብለት በሐር ቀይሕ እት ገብእ፡ ኣህምየትሉ ሕፋር ለአፍህም

ኣዳሊስ መዋልያይት ዘበናይ ሐዳራት መንጠቀትን!

ዲብ ህለ፡ “ናይ ዘበን በዲር ሐፍር ድፋን ለህለ ኣው ህዩ ሕፋዝ ለጸንሐ ኣሳር ታዮኖት በህለት ቲ። ሐፍር ትወዲ ዲብ ህሌኩ፡ እብ ወለት ገበይ እግልካም ዲብለ ኣሳር ደማር ተኣጀሬ ህሌክ በህለት ቲ። ምናተ፡ እሊ ወቀይ እሊ እግል ደማር እንዲ ኢገብእ፡ እግል ኣምር ወዘያደት መትመራማር እግል ቲዳ ለኣመመ ሰበት ቲ፡ ክምሰል ክበትቲ ለልትነሰእ። ሰበት እሊ፡ ዲብለ እግል ኣመርት እንዲ ትበህለ ለገብእ ሐፍር፡ ዘያደትሉ ደምሩ ለአምር ትክሰብ ምን እግል ልዕይ ክምሰል ቡ ኣመርትም ምህምቲ። እብለ ሰበብ እሊቲ ህዩ፡ ዲብ እሊ መሸርዕ እሊ ክሉ ጅንሰ ናይ ወሳይቅ በራምጅ ላብድ ገብእ። ናይ ዘበን በዲር መትመራማርት ልትብዑዎ ለዐለው ኣግቡይ ዕልም ሐፊር ዮም ክሉ ረኣሱ ብዱል ህለ።

ለናይ ለመድ ኣግቡይ ሐፊር፡ ዲብለ ናይ ሰልፍ ወክድ እብ ሰዳይት ናይ ቀለም ርሳቡቲ እግል ልግበእ ለትብገሰ። እንዲ ተለ ዲብ ናይ ረሰም ዲብ እሊ ወክድ እሊ ህዩ ዲብ 3ዲ ሞዴል በህለት እግል ትነሰኡ ሰወር ዲብ ምር ናይ መርበይ ሞዴል እግል ለአዳሌ እግልክ ዲብለ ቀድሮ ኣግቡይ እግል ልትበጸሕ ኣው እግል ልጠወር ቅዱር ህለ። እምበል እሊ ኣግቡይ እሊ እድንያይ ንዛም መካሪት ምድር (GPS) ውበዕድ ኣግቡይ እንዲ ትነፈሐ እግል ተኣዳልዩ ናዕ ሰነድ ልግበእ ኣው ኣሰር እግል ኣመርቲ ምህምቲ። እብ ዓመት ለተሐዘዩ ኣሰር ዲብለ ህለ እት ኣካን ኣክል-ሕድ እግል ኣመርት፡ እሊ ዘበናይ 3ዲ ሞዴል ኣህምየቲ ወቅልተ። እብ ተውሳክ እግል መጽእ በሐስ ክምሰል መርጀዕ እንዲ ገብእ እግል ልክደም ቀድሮ። እሊ ህዩ፡ ለገብእ ሐፍር ልግበእ ወታያን ኣያ ባጽሕ ህለ? ሚ ደማር ወሐራዝ ወደ? ወለመሰሉ እግል ኣመርት እሊ መሸርዕ እሊ ዶር ዐቢ ቡ” ዲብ ልብል ህግያሁ ለአትም።

ምን መፈወድየት ዓዳት ወርያደት - ፈሬዕ በሐስ ናይ በዲር ውርሰ ላቲ ሻብ ሚርን ተሾሚ ህዩ፡ “እሊ ኣነ ለህሌት እት ኣካን፡ ንቅጠት 6 ትትበህል። ዲብ እሊ ንቅጠት፡ እትለ ሰነት ግዳርን እህትማም እንዲ ሀብነ ምን ታዮናሁ ወለረከብናሁ ለዐበ ረከብ ህለ ምንገብእ፡ እሊ ዐነዲ ዐባይቲ። እሉም እብ እመን ዐባይ ለትዋተደው ዐነዲ፡ እግል ዲብ እሊ ባካትን ለዐለ እግል ልግበእ ወለጸንሐኒ ፈሀም እግል ለዓቤ ኣው እግል ለአፍዩሕ እግልነ ቃድር ህለ። ሰበቡ፡ ለጸንሐኒ ናይ መባኒ ኣሳር ዲብ ለትፈናተ ኣካናት ኣው ድዋር ድፋን ለዐለ ሰበት ቲ። እግል ንፍህም ወእብ መጽዮ እግል ንትመረሕ ገበይ ክሰት እግልነ። ዮም ዓመት ላኪን እበ ወዳናሁ ሕፋር ምር ታምም ዕንዳይ እግል ንርከብ ቃድራም ህለነ። እሊ እብ 14 ክፈፍል ለትክወነ ዕንዳይ ቤት



ዕባይት፡ ዘያደት 4 ምትር ለትገብእ ብጥረት ልቡቲ። ለእግል ዕንዳይ እብጠር ለህለ እመን ዲብ ሕድ ለለአዳብጥ እሰምንቲ፡ ለመሰል ሸእ ህዩ፡ ምር ምን ለአትዕጅብ ራክባሙ ለህሌናቲ። እብ ተውሳክ እብ ብዘሐህም ልግበእ ውበሰር ሸቅዮቶም፡ ሸክሎም ወጅንሶም ምን ሐልፈ ሰነን ለትፈንተ ማርጥታት ራክባም ህለነ። ለዐበ እህትማም መዋመጦርላ ሐፍር ናይ ኣሰነቶት ወራታት በህለት ለዐለ ኣሰር ክምሰል ህለየ እንዲ ሐፊዝኻሁ ወክመ ህለየ እንዲ ሸቅካሁ ክምሰል ነብር እግል ልግበእቲ ለህደፍ።

ዲብ ወራት ሐፍር፡ ዘያደት ዲብ ቁሪን ትገይሰ ዲብ ህሌኩ፡ መፍሀክማም እብ ቅደሰ እሊ ዲብ ቁሪ ወፍየሕቲ ለገይሰ። እብለ ዮም እንወድዩ ለህሌነ ታያን፡ ምን ደዓም ለትረከበ ጅንሰ እመን ፍንቲይ ሸክል ለቡ ጸልፈሐት እመን እብ ብዘሐ ዲብ ለሐውጾ ልትረኣው ህለው። እሊ ህዩ፡ “ደም ኣዘበን ክምሰል ምር ለትፈናተ ኣሸዩኦ ለልትሐፊዝ እቲ ለዐለ ኣካን ኣው ቅሰም ዐለ እግል ልግበእ ቀድሮ” ዲብለ ልብል ጌማም እግል ልንሰኣነ ቃድር ህለ።



ለትወቀለት ደረጀት እግል ልብጸሕ ክምሰል ቀድሮ ወዲብ እሊ ምን ቅደሰ ወለዐል ምህም ኣሳር ራክባም ክምሰል ህሌነ እግል ልትኣክድ ቀድሮ። ምን እሊ ወለዐል ለትረከበ ታሪካይ ኣሳር እግል ታያን ሄራርን ልሰዕ እግል ልግበእ ቲ” እት ልብል ናይላ ህለ እቲ መጽል ኣው ምህነት ሐብራ ህለነ።


ምን መፈወድየት ዓዳት ወርያደት - ፈሬዕ በሐስ ኣሳር ገዲም ላታ ታሊተ ገብረሚካኤል እብ ጀህተ “ኣዳሊስ ብዘቲ ናይ ዘበን ቅዱም ኣሳር ለብእት ኣካን ቲ። ዲብ ክርሰ ህዩ፡ ብዘሕ እብ ዘበን ዘበኑ ናይላ ትረኣ ተጠውራት ክምሰል ዐለ ለልትህደግ እቡ ለትፈናተ ኣሳር ዲብ ልትረከብ ዲብ ገይሰ ህለ። እሊ ልትረከብ ለህለ ኣሳር ህዩ፡ ዲብ ምር ዘበን ሌጠ ለዐለ ክምሰል ኢትን። እሊ ምን ኣምዕል ዲብ ኣምዕል እንረክቡ ለህሌነ ለትፈናተ ኣሳር ሰመዕ በሰር ቲ። ሰበቡ ዲብ ኣዳሊስ ክዘንት ለጸንሐት ዘሕረት እግል ናሰ ሚ ወሚ ክምሰልተ፡ ሸክል ወመባትክ ናይላ ዲብ ዘበን ለህይ ለዐለ መባኒ ልግበእ ወእብያት ክምሰልሁም ኣብያት ዕባይት ወለመሰሉ እግል ነኣምር ወንትመራመር ሰዳነ እግል ልትበህል ቀድሮ።

እብ ፍንቲይ ኣነ ለህሌት እት ኣካን ምስ መሻቂቲ እሰልፍ ፍንጊህ ናይ በዲር መባኒ ለህሌት ዕላቀት

ወመትጸባጥ እግል ንርከብ ጀራብነ። እሊ ህዩ፡ ፍንጊ ንቅጠት 3 ወፊ ለህላቲ። እህትማምን ዲብ እሊ እንዲ ወዳነ ህዩ ሰድሬት ናይ ብነ ኣው መንደቅ ሸክል ለቡ ኣሸዩኦ እግል ንታይን ቀድሮነ። እሊ ሌጠ እንዲ ኢገብእ ብዘሕ ዐተሪ ናይ ሚ ክምሰልቲ ኣክል-ሕድ ለኢትኣመራ፡ ክምሰልሁም ኣንዮብ ለቡ ክክ ዐቢ ረከብነ። ለክክ ናይ ሚ ሐዋን ክምሰልቲ እግል ንብሐሱ ልሰዕ ዲብ ላቦራቶሪ ዓም መርመራታት ገብእ እቲ ህለ። እብ ፍንቲት ናይ እሉም ኣሰክ እሊ ራክባምም ለህሌነ ዐተሪ ኢክምሰል ናይላ ብዕድ ወክድ ልትረከብ ለዐለ ዐተሪ ለኢትሳበሪ ዐባይቲ። እሊ ዐተሪ እሊ ልሰዕ እብ ተማመ ፋግር ይህለ። ፍይሐናሁም ልሰዕ ባጽኣሙ ይህለነ። ምናተ ሰነ ዐባይ ክምሰል ገብእ ወግም ህለ እግልነ። ዲብ ደንጎበ ዕላቃት ፍንጊህ መባኒ ለዐለ ሚ ወሚ ክምሰል ዐለ እግል ንርከብ ወንብሐስ እግል እሊ ድዋራት እሊ እንዲ ኣፍየሕነ ዲብ እንሻርሙ እት ምስተቅበል እሊ ርከብ ለህለ ናይ መን ክምቲ እግል ኣመርት ንትጸገም ህለነ።” ዲብ ትብል ሸርሐት እግልነ።

ናይ ዘበን በዲር ኣሳር ሚነት ኣዳሊስ እግል ኣትሐሳሳይ ገብእ ለህለ ሕፋር ወታያን፡ እብ መዓወነት መፈወድየት ዓዳት ወርያደት ወመትሐፍ ኣቅሊም ቅብለት በሐር ቀይሕ ክምሰልሁም እብ መዓወነት ኢግልዩን ሰብ ሸራክት ቲ ገብእ ለህለ። ለሰብ መቅደረት ዲብ ደንጎበ ለናይ በዲር ሚነት ኣዳሊስ ካዘክቲ ለህሌት ኣሳር ኣሳብ ሐዳራት ናይ እሊ መንጠቀት እብ ዓመት ክምሰልቲ። እብ ኣዜ ህዩ እት ፍዕል እግል ልውዕል ጽቡጥ ለህለ በራምጅመ እግል ሰርገሎቲ እብ ክል ሐሊቶም ክምሰል ሸቅ ገለድ እንዲ በይኣው ዓም ተውዳሕ ሀበውነ። ወእብለ እብ ሰበት ሚነት ኣዳሊ ወዲበ ገብእ ለህለ በሐስ ዲብ ኣርበዕ ክፈል እንዲ ክፈልነ ለአዳሌናሁ ጽቡጥ እትላ ታምም ህለ።

ዓማት ጀሪደት ኤረትሮፖ ሐዳሰ!



ጅግራታት ርዕደት ቅዋት በሐር ኤረትሮፕ ተ'መ



እግል መደት ሰለሰ-ወሬሕ ለአተላላ 12^ይ ጅግራታት ርዕደት ቅዋት በሐርየት ኤረትሮፕ፣ እት የም 13 አፕሪል ዲብ መዐስከር በሐርየት ገደም እብ ነደረት ተ'መ።

እትሊ፡ “ርዕደት፡ አሳስ ሐሊት ሸባብ ተ” እት ሐንቴላ ትብል

ስቅራት ምን 20 ጃንዋሪ እብ 12 ጅንሰ ርዕደት ገብእ ለጸንሐ ጅግራታት፡ ሰማን ፈሪቅ ውላድ ወሐምስ ፈሪቅ አዋልድ ሻረክ ዲቡ።

ዲብላ ቃእድ መርከዘየት ቅዋት በሐር ኤረትሮፕ ኮሎኔል

መልክኬ ተኽሌማርያም ለብእቶም ቅደደት ዲብ፡ ሰብ-ሰልጠት ሕክ-መት ውብዕዳም ዐዘ-መት ለገብእት እግሎም ለሐድረወ መናሰበት ካቲ፡ መሰኡል ቅሰም አትፋዘየት ወሐብሬ ቅዋት በሐር ኮሎኔል ጠዓሜ ትኩእ እት

ቀደመየ ከሊ.መት፡ ለእት ክል-ሰነት ለልትነዘም ብድራታት ርዕደት፡ ክፋል ናይላ ሸባብ እብ ገርብ ወዐቅል እግል ልትበነው ለገብእ በራምጅ ክምቲ እንዴ ሐበረ፡ ዲብ ሐልፈ. ሰኖታት እብ ለትረከበ ተጃርብ ዕዉት ክም ዐለ ሐበረ።

ፈሪቅ ደርቡሸት ሰልፋ.ም እንዴ ፈግረው ጀዋእዝ ነስአው።

እምበል እሊ.መ፡ ፈሪቅ ሰንዐቡር እብ ዕመ-ማይ ጅግራታት ለሐሰ እንዴ ገብእ፡ ፈሪቅ ሐራት ህዩ ዲብ ትልህየ እብላ አርአየ አደብ ጀዋእዝ ነስአው።

ዲብላ ገብእ ትልህየታት፡ እብ ኮበራት እግር ምን ፍረቅ ውላድ ፈሪቅ ሰንዐቡር፡ ምን ፍረቅ አዋልድ ህዩ ፈሪቅ መሊል፡ ክምሰልሁ-መ እብ ሾሊቦል ምን ፍረቅ ውላድ ፈሪቅ ሀዋኪል፡ ወምን ፍረቅ አዋልድ

ዲብላ እብ ዕፌ ዓዳት ጋምለት ለአምሴት መናሰበት ቲማም፡ ዲብ ዐውቴላ ብድራታት-ርዕደት መሻረከት-ውቅል ለአርአየ መአሰሳት ናይ ሐምዴ ሸሃዳት ተህየቡዩ።



ምግብ - ጅግራታት ዐጀላት ደዋር ካስ አንባተ

ጅግራታት ዐጀላት እግል ካስ ደዋር አቅሊም ምግብ 2024፡ ማሌ ለሀ እት ድዋራት ከኒሰት ማርያም አሰመረ አንባተ።

መትባድረት፡ እትሊ ናይ አወላይት መርሐለት ብድረ፡ ክልኤ ምግባየት እት ምግብ ትልህየ ሾላተ ንዘማት እሎም ዐለዩ። ለናይ ጅግረ አነን ሐቲ ዱረተ 2.1 ኪሎሜተር ገብእ እት ህሌት፡ ለጅግረ ናይ ወቅት ወንቀዋ ጅግረ ዐለ።

እለ 109.2 ኪሎምትር መሳፈት ለገልበበው ዲብ ጅግረ፡ አሰክለ ዲብ 35 ኪሎምትር መሳፈት ለዐለት አወላይት ሾላተ፡ መትጃግረት ምሰል ቶም ልሂርር ለአጽበሐው። እብ ብሕቶት ለትጃግረ ናታን መድሃኔ፡ ሳይምን ሚክኤል -ኤራቴል፡ ወሻምፕዮን ኤረትሮፕ ለነስአ ዐውት አማን ሳኪን፡ ምን መጅመ-ዐት ለዐባይ እንዴ ጀርጠው፡ እትላ ሾላተ ደርብ ሕድ ሰለሰ፡ ክልኤ ወሐቲ

ንቅጠት ንቀዋ ወናይ ወቅት ዐውቴ ከሰበው።

ናታን ወቅት እንዴ ኢሊህይቦም፡ ምን እሎም ክልኤት መትባድረት በይነ ቀደም ሌጠ ትፈተተ። እግል ለበዘሐ ወክደ መትክል እየብ ወሚርን ተሾሚ ለዋለው መጅመ-ዐት ዐባይ፡ አሰክ ናይ 1ደቂቀት ወ44 ካልኢት ፈርግ ነጻፈ ዲቡ። እሊ መትባድራይ እግል ተዐሬ ምራድ ለይዐለ እለ ለትመሰል መጅመ-ዐት ዐባይ፡ እግል ፈርግ ዶል ሐቲ አሰክ 1 ደቂቀት ወ24 ካልኢት ምንመ ከራቲ፡ እግል ለዐርወ ሳኪን አክል እሊ ኢትሃለገው።

ናታን እብ ሐዲቲ፡ እግል እት 70 ኪሎምትር መሳፈት ዱሊት ለዐለት ካልኢይት ሾላተ፡ እምበል መትናፍሰ በይነ ተዐውተ ዲቡ። ደርቡ ህዩ ምን መጅመ-ዐት ለዐባይ ቀደም ፋግራም ለዐለው መዋልየት ፈሪቅ ዐጀላት ኤራቴል ሳይምን ወሳሙኤል ሐየሎም ህዩ።

ንቀዋ ወወቅት እት ጀምቢሎም ለከረው እት ዐለት።

ናይላ ምዕል ለሐሰ መተልህይይ ለአጽበሐ ናታን መድሃኔ፡ እግል ዘያድ 70 ኪሎሜተር በይነ ዲብ ዋሌ፡ ምን እት ጸሓይ ፈጸ ለወዕለው መትፈርጀት ተሰጃዕ ውጃህ ረክቡ። እብ ተቅዩም እት ሳዕት 40.2 ኪሎምትር ዲብ ልትፈተት ህዩ፡ እምበል መትናፍሰ እግል ጅግረ እብ 2 ሳዕት፡ 43 ደቂቀት ወ10 ካልኢት ተዐውተ ዲቡ። 11 ንቅጠት ወ10 ካልኢት ምን ወቅት ህዩ ዐጭደ።

ገዲም መትባድራይ ዐጀላት ሚርን ተሾሚ፡ ሐቅ 1 ደቂቀት ወ 22 ካልኢት እግል መጅመ-ዐት ለዐባይ እብ ሾላተ እንዴ በድረ፡ ካልኢይት፡ ወዳንኤል ፍጹምብርሃን -ናይ አሰቤቲ፡ ዳንኤል ርእሶም ምን ፈሪቅ ግብለት፡ ሮቤል መሓሪ ወፋንኤል ሐይለአብ ምን ፈሪቅ ሰምበል ህዩ አሰክ ሳድሳይ ተርቲብ አተው።

እብሊ ህዩ፡ እብ ዕመ-ማይ ወቅት - ናታን፡ እብ2 ደቂቀት፡ 42 ካልኢት ወ54 ክፋል-ካልኢት ንኢሽ እት ሚርሐት ዲብ ለህሌ፡ ሚርን እብ፡ 1 ደቂቀት ወ30 ካልኢት፡ ዳንዮም ህዩ፡ 1 ደቂቀት ወ32 ካልኢት ደርቡ ተላ። እምበል እሊ.መ ናታን፡ እብ 17 ንቅጠት ዲብ መሬሕ፡ ሚርን ሴዕ ንቅጠት እት ዘናቡቲ ቅሩዛም ህለው።

እብ ፈሪቅ ህዩ፡ ናይ ብሕቶት መትባድረት እብ 8 ደቂቀት፡ 12 ካልኢት ወ14 ክፋል-ካልኢት ንኢሽ ዲብ ዋሌ፡ ፈሪቅ አሰቤቲ፡ እብ 1 ደቂቀት ወ22 ካልኢት፡ ወፈሪቅ ሰምበል እብ 1 ደቂቀት ወ30 ካልኢት ደርቦም ተ'ሉ።

እምበል እሊ.መ እብ ክምኩም እብ ምልሃየን ብድራህን ወደየ ለዐለየ አዋልድ መትባድረት ዐጀላት፡ 79.8 ኪሎሜተር ገልበቡዩ። እግል እት 25 ኪሎሜተር ርትብት ለዐለት አወላይት ሾላተ፡ ቅሳነት ወልደሚካኤል - ምን ፈሪቅ ሰራይር-ሳዋ፡ እግል አድያም ዳዊት - ፈሪቅ ደንደን፡ ብርክቲ ፍሰሃይ - ጋላ ነፍሐ እንዴ በድረት ተዐውተተ። ደርብ ሕድ ህዩ፡ ሰለሰ፡ ክልኤ ወሐቲ ንቅጠት ወወቅት ነስአዩ። አድያም፡ ሞናሊዛ አርአየ - ደንደን፡ ቅሳነትን ህዩ፡ እግል ካልኢይት ሾላተ ምግባይት ተዐውተየ ዲቡ።

አክር ህዩ፡ ወለት ሰራይር ሳዋ ሳተ ፊሸን ህይሌ፡ እግል ሰብን ፍሰሃይ ምን ፈሪቅ ግብለት፡ ወርምና ጉዕሽ ምን ደንደን እብ ሾላተ እንዴ በድረት ሰልፋይት አቲት። ቅሳነት፡ አድያም ወሞናሊዛ

ህዩ ደርብ ካልኢይት ወሳልሳይት ትረተቡዩ።

ወእብሊ፡ እብ ወቅት፡ ፊሸን - እብ2 ሳዕት፡ 27 ካልኢት ወ3 ክፋል-ካልኢት ትመሬሕ ህሌት። ደርብ ለዐለየ ክልኤ ወአርበዕ ካልኢት ለደንገረየ ሰብን ፍሰሃይ ወርምን ጉዕሽ አተዩ።

እብ ንቅጠት፡ ፊሸን፡ ቅሳነት ወአድያም እብ 11 ንቅጠት ሰልፋ.የት ሰለሰ ህለዩ። ሰራይር ሳዋ፡ ደንደን ወፈሪቅ ግብለት፡ እብ ሕድ ለሽብህ ወቅት- እብ7 ሳዕት፡ 22 ካልኢት ወ49 ክፋል-ካልኢት ንኢሽ ሰልፋ.ም ሰለሰ ፍረቅ ጋብእም ህለው።

እምበል እሊ.መ፡ እት መትባድረት ሸክል (ጃንገር)፡ ኬሸን ተኽሌማርያም ምን አሰቤቲ፡ እግል 79.8 ኪሎሜተር መሳፈት እብ1 ሳዕት፡ 59 ካልኢት ወ37 ክፋል-ካልኢት፡ እግል እብ ብሕቶት ልትባደር ለዐለ ሚርን ክብርም እንዴ አጅገረ ተዐውተ። ሐቅ 10 ካልኢት ህዩ፡ ኑፍታሌም ኤፍሬም - ኤራተል፡ ናኦድ በረከት - ሰምበል፡ ሴም እየብ - አሰቤቲ፡ ወሂርምን ኪዳኔ - ደንደን አሰክ ሳድሳይ ትረተቡዩ።

ካስ ደዋር አቅሊም ምግብ፡ ሰለሰ ሰነት ለትዐውተ ዲቡ ፈሪቅ ቱ ለጠብልሉ። እት ሰነት 2019 አሰቤቲ ክም ነስአዩ፡ እት 2021 ሰምበል፡ 2022 ኤራቴል፡ 2023 አሰቤቲ ዕዉታም እቲ ዐለው። እት ሰነት 2020 ሳኪን፡ እብ ሰብ ኮሺድ፡ ሰምበል እብ ንቀዋ እት ዋሉ ክም አትካረመ ልትዘከር።

እብ አዋልድ ህዩ፡ እት 2021 ደንደን፡ 2022 ግብለት፡ 2023 ሰራይር ሳዋ ሻምፕዮን ጋብኢት ዐለዩ።



ናታን መድሃኔ-ዲብ ከዋ ዐውቴ



አምራት ሰነድ በርሀት ከከሀይብ ሽትክ ጠወረው



እት አምራክ ለልት-ረከቦ ዕለማእ ዓጭይ (አሸጃር) ምስል ጃን በርሀት ለልሀይብ ናይ ፊሽት ከራይ እንደ ካበረው ወእግል እንደ አብቀለው በርሀት እግል ለሀብ ለቀድር ሽትል ክም ጠወረው ሓበረው።

አስክ እል ሓድ 1,500 ለገብእ እት ወክድ ጽልመት በርሀት ለልሀይብ ክልቀታት ክም ባክተርዮ፣ ዓሴ፣ መለግሊጋይ ዓሴ፣ ሓሽኩ፣ ናይ ምድር-ወማይ ሓሽራት ወናይ ፊሽት ከራይ ለመስሎ ክም ዐለው ልትሸራሑ። እሊ እብ ፈሀም ጋብእ ለሀሌ፣ ምን ሽትል በርሀት ናይ ርክበት ሽቅል ሀይ፣ እት ሰነት 1986 ለአሰተብደ እትገብእ፣ ናይ እሳት ላሊ ጃን ምስል ሽትል እንደ ኦዳቀልክ ቱ ጋብእ ለሀሌ፣ አስክ እል ሀይ ምን ሰነት እት ሰነት ምን ሽትል በርሀት እግል ትትረከብ

ጀርባ ገብእ ምንመ ጸንሐ እብ ሳድፍ ለጸንሐ እብ ዋጅብ



ኢኦቅብት ወብዕድ መሻክል ክምመ ለትሐኪ ጋብእ ክም ኢዐለ ሓበረው።

እትሊ ናይ አዜ ጀርባ ለወዐለ ናይ ብቀለት ፊሽት ከራይ ጃን ሀይ፣ ክም አግደ መትራክቢ ናይ ሽትል ሽቅል ሚታባሊዝም ምስል አፍረዮት በርሀት እንደ ገብእ ሰባት ሽቅ፣ በርሀት ክም ትረከብት ምን እብ ኤምራት ትሸረሐ። እሊ ምን ሽትል በርሀት ናይ ሂባት ጀርባ ዕውት እንደ ገብእ ሰባት ትረከቡ አስክ እል እግል ዝቤ ለገብእ ሽትል እት ዐዳጋታት እንደ ትክረ ሰኒ ጠለብ ራክብ ክም ህለ ለመፍርዮት ሽርሐ። እት ደንጎብ ህቶም እሊ አዜ እት ፍዕል ውዕል ለህለ ሽትል ዓማት በርሀት፣ እብ ዐሰርታት ዕጽፍ እንደ ዓቤከ ወእብ ለትፈናተ ሓባር ወኖዕ እንደ ኦዳሌኩ፣ እግል

ከካትብኹብ ሓቃይቅ

- እት ለገብእ ወክድ ቀሽ-ደብክ እግል ትርኤ ለትቀድር ጸኣይ ግራክ ህሌት ምንገብእቲ።
- ምን እመር አሳት መሰቀት ምር መትነፍዮት እግል ደረጀት ዐቅልክ እብ ሓምስ ዕጽፍ ክም ለዓብዩ ተአመረ።
- እብ አሳስ ብሕስ ዝያድ 86% ናይ ምድር መወልድ አራውሕ በህለት ጂር ክምስልሁመ 91% ናይ ማይ ክልቀታት ምን አዜ ወሐር ለልትፈተሽ ክምቲ ተአመረ።
- ገሌ ገሌ አንፋር ረአሶም አስክ 180 ዲግሪ እግል ልለዋልወ ቀድሮ።
- እብ አሳስ ዓዳት ሱመርያም ለምን ትርክ እንደ ትብገሰ እብ ግብለታይ ምፍጋር ጸኣይ እንደ ወደ፣ ዓራቅ እንደ በትክ ምስል ነሀር ኤፍራጥስ ለልትሓበር ነሀር ጠግራሰ እብ እንባሪ ረቢ ለትክለቀ ውሓዝቲ ልትበህል።
- ዮም አትኒን አስቡሕ እት ክለ እዲኒ፣ እብ ብዝሐ ደቅዋ ወተውትር ለትትርኤ አምዕልተ እብ አሳስ ድራሳት። እትሊ አምዕል እል ምን አስቡሕ አስክ ሳዐት 11:15 ለገብእ ነፈር ምን ልብ ለትብገሰት ፈርሐት ወእብትሳመት እግል ለርኤ ኢቀድርኒ። እምበል እሊ ገሌ አንፋር ኩርሲሆም እንደ አግራሐው ለሰክቡቶም። ገሌ አንፋር ላኪን ዮም እትኒን ለሌሳት ሽቅል ለትከሰት እሎም አምዕል ክምተ ለአፍህዋ እንቲም ሀይ ? ሓይሳም ቁርአት።

10 ፍንተ ሰባር ሓዘር



እት ክከሰት ዝያድ 1 ሚካይን ነፈር እብ ክስሐ ድዋር መይቶ

እብ በሕሲን ጃምዐት ሞናሽ አውሰትራልዮ እት ገብእ ድራሳት፣ እብ ደረጀት እዲኒ ክል ሰነት ዝያድ ምር ሚልዮን ኦዳም እብ ምር ምን አሰባብ ክሰሐ (ተለውሰ) ሀዋእ ሳቱ PM2.5 እግል ሓጫር መደት እንደ ሳደፊዮም ክም መይቶ ተሓበረ።

PM2.5 ምር ምን እብ ዕንታት እግል ልትርኤ ለኢቀድር ተለውሰ ሀዋእ እትገብእ፣ እብ ለህለ እሎ ንኡሽ ቅድስ ዲብ ሽብእ ወአሰራር ደም እንደ አተ፣ ለትፈናተ መሻክል ዓፍዮት እግል ልሰብብ ቀድሮ። እሊ ድራሳት እብ ደረጀት እዲኒ እግል መደት 20 ሰነት ለገብእ ወ13 አልፍ መዳይን ለሽምልቱ ለዐለ። እት ሓጫር መደት እብ


ለትፈናተ አሰባብ ክም ነድ ቃሳት፣ ብዝሐ መካይን፣ ረቡርብ ቅባር ውብዕድ ሰብብ እብ ክሰሐ ለመጽእ መትወቃል PM2.5 እት ሓዮት ኦዳም ለለመጽእ መደረት እግል ፈረጎት እንደ አመመ ለገብእ ድርሳትቲ።

እተ ለትረከብት ነቲጀት ድራሳት፣ እብ መትወቃል PM2.5 እት ግብለት አሰዮ ወምውዳቅ ጸኣይ አፍሪቀ ውቁል ቅድስ ሞት ክም ትሰጀለ እብ ፍንቲይ እት ምፍጋር ጸኣይ አሰዮ እብ ሰብ ውቁል ተለውሰ ሀዋእ ምን ብዕድ ክፋል እዲኒ እብ 50% ለዘይድ ቅድስ ሞት ክም ሳደፊ ትፈረገ። እግል መደት ሓጫር ውቁል ቅድስ ክሰሐ ሀዋእ ለትመጽእ መትወቃል

ኢብዮት ወጀራዲን ካፊ በርሀት እግል ሂባት ትሉሉይ ድራሳት ወዱ ክም ህለው ሓበረው።

ቅድስ ሞት እግል ዳፍዮት ሀይ፣ ብዝሐ መካይን ለልትረከብ እቲ መዳይን ዲቡ ለህለ ሀዋእ እኩይ ክም ትትሓፈዝ ምን ለወዳ ወምን በካት እግል ትግግዝ ለለአቀድር ንዛም አትአታተዮት ምህም ክምቲ ለበሕሲን እት ደንጎብ አሸረው።

ሳድስ ወራር እብ ካርቱን



ክትም ለገባ ስግል ገሌገላፍ እብም ዕጉፊሊፍ ስግራ ገንኻት እብ መፍፈሊፍ ትደብ ገሌ። ካት ፎርታት ህይ ብዙሕ እህምታት ለገባት ህም ስግር ፎርታት ሌግ ዕጉ።

